

Mescos cu a core publica lista di salario:

NEL MESTER BIRA MAS MACHO Y HIBA SU FAMOSO LISTA CERCA PROCURADOR GENERAL

ORANJESTAD (AAN)-- Berdaderamente Nel Oduber no tin nocion di loke ta balor di tempo. Envez di e busca algo productivo pa haci na beneficio di Aruba,

envez di e sinta usa su cabes pa formula un manera pa haci un bon oposicion y muestra cu e tin siquiera un tiki respet pa pueblo di Aruba, e ta prefera di bay

radio (cerca e vocero di su partido) pa punta dede, pero den direccion robes.

Despues cu Duke Croes a reta Nel a rete pa e publica e lista cu e ta broma cu e tin, sigun e, cu number di miembran di AVP cu ta hinca den mafia.

Cualquier hende cu dos placa sinti por puntra su mes, pakico pa Nel tabata mas facil laga un di su hendenan pa core bay publica e lista tentativo di salarionan di e team di confianza di AVP, envez di publica e lista di nombenan di hende cu tin algo di sconde, cu e di cu e tin?

Pakico Nel no ta asina macho di reproduci e lista cu e ta cana pronk na tur caminda cune, cu e ta bisa cu e tin number di tur hende cu ta involvi den actonan irregular. E ta bisa cu e tin prueba. Pakico e no ta publica nan anto pa nos caba cu e asunto aki, y punto?

Pakico Nel mester a usa algo asina pover contra AVP

manera e cuenta di lista di salario, cu no ta ningun delito, si manera e ta broma na tur caminda, e tin na su poder un berdadero "bomb" pa caba cu AVP?

Nel tin un lista cu number di tur hende cu ta meti den droga, y otro cosnan ilicito di AVP, pero pobercito Nel, tin miedo di publike!

Wel, tin hopi hende cu curiosidad ta pica nan pa sa pakico Nel no ta muestra con "machito" e ta, y laga publica su famoso lista di un vez por todas, anto muestra cu hechonan envez di specula

cu mal intencion, y stop di bla, bla, bla! Nel mester bira mas "macho" y hiba su famoso lista cerca e Procurador General y dilanti Huez, pa nan castiga esnan culpabel, pues net pa Husticia pueblo di Aruba ta clama!

Pesey ta zona straño di tende Nel papia den e programa di su portavos, mientras cu realidad ta cu envez di Nel publica su famoso lista, ata Rudy Croes si a bay core sconde documentonan confidencial, loke sigur, tin hopi hende na Aruba bon integra!

"PALU WHITE" GARA NA HULANDA CU 1 KILO Y MEY DI COCA

ORANJESTAD (AAN): E homber Eitel L.M. na principio di e aña aki a aparece den Corte di Justicia Arubano. Pero ta parce cu tin hende no ta siña y ta bira golos pa placa, lubidando nan principio.

E tempo ey "Palu White" a worde detene como sospechoso den bendemento di Marihuana relaciona cu un razzia cu a worde teni. Su caso a worde trata den Corte, apesar cu na diferente ocasion e caso a worde suspendi. Al fin el a ricibi un multa di 250 Florin pa paga, y Juez e tempo ey a bise pa aleha for di droga y busca un trabao pa haci.

Ni un aña no a pasa ata "Palu White" den man di Justicia Hulandes. Dia 4 di November na su yegada na Schiphol, el a worde gara.

For di momento cu el a yega Hulanda, Oficialnan di Narcotica tabatin un bista riba dje. Ora cu e mester a pasa door di control, a worde

descubri cu e tin articulonan scondi. Pa ta preciso, e tabatin pega na su curpa un cantidad di paquete.

Mesora despues cu a habri e pakinan y a descubri Cocaina e sospechoso a worde deteni. Nan a descubri como 1 kilo y mey di e droga.

Awor "Palu White" ta tras di trali na unda e ta haye forza ta papia Hulandes.

Segun informe e lo a basha abao riba esnan cu sea a duna, bende of a pega esaki na su curpa.

YIU TA YEGA CAS BURACHI Y SPANTA SU MAMA

ORANJESTAD (AAN): Ora algun persona laga alcohol domine, ta conoci cu nan ta bira di remate y ta haci cosnan, cu kizas mañan nan no sa mes loke nan a haci, y e ora ta core pidi "despensa".

Central di Polis a dirigi un patruya den Cayenastraat,

caminda un yiu a yega cas pata-pata, na ingles "way out".

Segun version di e mama, cu su yiu a yega cas manera a worde describi. Polis a papia cu e yiu seriamente y el a priminti di hama e lo yega cas den un estado asina.

OPERATION "UNDERGROUND"!!!



CLAUDINE
BEAUTY CLINIC
"A Day Spa"

Ta Busca

• 2 Manicurista proff.
Experiencia cu acrylic.
tips, enz. Sin experiencia
no solicita. Solicita
personalmente of jama
23385 entre
8:30 - 9:30 AM